

NO. RUJUKAN: UniSZA.P/2/PP/604-2 (11)

BERTARIKH: 3 JULAI 2019



PEKELILING PENDAFTAR BIL. 4/2019

LARANGAN PENGGUNAAN TELEFON BIMBIT ATAU LAIN-LAIN PERALATAN KOMUNIKASI DALAM MESYUARAT DI UNIVERSITI SULTAN ZAINAL ABIDIN (UniSZA)

1.0 TUJUAN

Pekeliling ini bertujuan untuk memaklumkan kepada semua warga Universiti Sultan Zainal Abidin (UniSZA) berkenaan larangan penggunaan telefon bimbit atau lain-lain peralatan komunikasi dalam mesyuarat di UniSZA.

2.0 LATAR BELAKANG

2.1 Pejabat Ketua Pegawai Keselamatan Kerajaan Malaysia melalui suratnya bertarikh 31 Januari 2019 telah mengeluarkan surat dan garis panduan berhubung larangan penggunaan telefon bimbit atau lain-lain peralatan komunikasi dalam mesyuarat Kerajaan.

2.2 Larangan ini dibuat kerana dibimbangi penggunaan telefon bimbit dan peralatan komunikasi lain secara tidak terkawal dalam Agensi Kerajaan boleh mendatangkan implikasi buruk serta membahayakan



keselamatan di samping boleh melanggar peruntukan Akta Rahsia Rasmi 1972 sekiranya berlaku kebocoran atau kecurian maklumat.

- 2.3 Sehubungan dengan itu, Jabatan perlu berhati-hati dalam membuat komunikasi rahsia rasmi melalui telefon bimbit atau peralatan komunikasi lain dengan mengawal dan mematuhi langkah-langkah keselamatan supaya penyampaian rahsia rasmi Kerajaan tidak terdedah kepada risiko kebocoran.
- 2.4 Bagi tujuan kawalan, Ketua Jabatan hendaklah menentukan zon larangan penggunaan telefon bimbit atau peralatan komunikasi lain yang mampu merakam maklumat. Penentuan zon larangan ini termaktub dalam Perenggan 130, Arahan Keselamatan (Semakan dan Pindaan 2017) dan perlu dipatuhi oleh semua Jabatan dan Agensi Kerajaan.
- 2.5 Keperluan penetapan zon larangan ini perlu mengambil kira risiko-risiko kebocoran maklumat yang boleh dan mungkin berlaku dalam mesyuarat penting Kerajaan melibatkan keputusan dasar di peringkat Persekutuan atau Negeri.
- 2.6 Semua Ketua Jabatan hendaklah memastikan aspek kawalan dan had penggunaan telefon bimbit atau peralatan komunikasi lain dikuatkuasakan ketika sesuatu mesyuarat sedang berlangsung.

3.0 PELAKSANAAN

- 3.2 Mesyuarat Jawatankuasa Pengurusan Universiti (JKPU) Bil.14/2019, bertarikh 30 April 2019 telah memutuskan supaya larangan penggunaan telefon bimbit atau lain-lain peralatan komunikasi dalam mesyuarat dikuatkuasakan sepenuhnya di UniSZA.
- 3.3 Penetapan zon larangan ini hendaklah dipamerkan melalui Notis Larangan di dalam bilik mesyuarat tersebut. Peringatan juga wajar



dimaklumkan dalam surat panggilan mesyuarat. Pengerusi mesyuarat juga boleh memaklumkan secara lisan kepada semua ahli berkaitan larangan ini sebelum memulakan mesyuarat.

3.4 Notis larangan ini diselaraskan secara seragam seperti berikut:

- 3.4.3 Saiz notis sekurang-kurangnya mempunyai saiz minimum bersaiz A3;
 - 3.4.4 Hendaklah ditampal atau dipamer di tempat yang sesuai dan mudah dilihat; dan
 - 3.4.5 Perihal notis larangan hendaklah mempunyai latar belakang berwarna putih dan **bulatan tebal serta tanda palang tebal berwarna merah**. Notis larangan mengandungi perkataan **“DILARANG MENGGUNAKAN TELEFON BIMBIT DAN ALAT-ALAT KOMUNIKASI LAIN”** dengan berwarna hitam dari jenis huruf Arial.
- 3.5 Setiap ahli mesyuarat hendaklah mematuhi peraturan larangan melalui notis larangan yang dipamerkan di dalam bilik mesyuarat tersebut.
- 3.6 Pengerusi atau Urus Setia mesyuarat mempunyai tanggungjawab untuk mengawal dan memantau sebarang aktiviti mencurigakan melibatkan penggunaan telefon bimbit atau lain-lain peralatan komunikasi semasa mesyuarat sedang berlangsung.
- 3.7 Bagi membolehkan kawalan dan pemantauan ke atas setiap telefon bimbit atau lain-lain peralatan komunikasi yang dibawa masuk ke dalam bilik mesyuarat dilaksanakan, Pengerusi atau Urus Setia mesyuarat boleh mengambil tindakan seperti berikut:
- 3.7.3 Memberi peringatan larangan;
 - 3.7.4 Memaklumkan supaya semua telefon bimbit atau lain-lain peralatan komunikasi berada dalam mod senyap;



- 3.7.5 Memaklumkan kepada ahli mesyuarat untuk meletakkan telefon bimbit atau lain-lain peralatan komunikasi di atas meja;
 - 3.7.6 Memberhentikan mesyuarat seketika jika perlu sekiranya terdapat ahli mesyuarat yang menggunakan telefon bimbit atau lain-lain peralatan komunikasi ICT;
 - 3.7.7 Mencatat nama mana-mana ahli mesyuarat yang menggunakan telefon bimbit atau lain-lain peralatan komunikasi ketika mesyuarat sedang berlangsung; dan
 - 3.7.8 Mengambil tindakan sewajarnya berdasarkan budi bicara Pengerusi sekiranya terdapat ahli mesyuarat yang gagal mematuhi larangan tersebut.
 - 3.7.9 Carta alir bagi pemantauan larangan ini adalah seperti di lampiran.
-
- 3.8 Semua ahli mesyuarat adalah tertakluk kepada larangan dan had penggunaan telefon bimbit atau lain-lain peralatan komunikasi ICT semasa mesyuarat sedang berlangsung di zon larangan yang dikuatkuasakan melalui notis larangan.
 - 3.9 Ketua Jabatan adalah mempunyai kuasa sepenuhnya ke atas larangan yang dikuatkuasakan ini. Sekiranya terdapat pegawai atau staf serta ahli-ahli mesyuarat gagal mematuhi larangan tersebut, tindakan sewajarnya hendaklah diambil. Jika terdapat bahawa kesalahan tersebut bertentangan dengan Akta Rahsia Rasmi 1972, maka Ketua Jabatan hendaklah membuat laporan Polis di Balai Polis terdekat dan melaporkan secara bertulis kepada:

Ketua Pengarah Keselamatan Kerajaan

Pejabat Ketua Pegawai Keselamatan Kerajaan Malaysia

Jabatan Perdana Menteri

Aras -1, 1 & 2, Blok B7

Pusat Pentadbiran Kerajaan Persekutuan

62502 PUTRAJAYA



3.10 Pelaksanaan larangan penggunaan telefon bimbit atau lain-lain peralatan komunikasi di dalam mesyuarat berisiko tinggi bagi memberi perlindungan kepada maklumat rahsia rasmi daripada didedahkan tanpa kebenaran.

4.0 TARIKH KUAT KUASA

Pekeliling Pendaftar ini adalah berkuat kuasa mulai **15 Julai 2019**.

Sekian, terima kasih.

"BERKHIDMAT UNTUK NEGARA"

"Ilmu dan Akhlak"

Saya yang menjalankan amanah,

ISMAIL BIN AHMAD

Pendaftar

Bertarikh:

s.k:

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar & Alumni)

Bendahari


Penasihat Undang-Undang

Ketua Pustakawan

Pengarah Pusat Pengurusan Harta Benda

Pengarah Kampus Besut

CARTA ALIR
LARANGAN PENGGUNAAN TELEFON BIMBIT ATAU LAIN-LAIN PERALATAN
KOMUNIKASI DALAM MESYUARAT DI
UNIVERSITI SULTAN ZAINAL ABIDIN (UniSZA)





**DILARANG
MENGGUNAKAN TELEFON
BIMBIT DAN ALAT
KOMUNIKASI LAIN**